

Media Title : Utusan Borneo Sarawak
Headline : Keldai akaun didenda RM500
Date : 9 January 2024
Section : Tempatan
Page : 7



Keldai akaun didenda RM500

MIRI: Seorang keldai akaun didenda RM500 atau lima hari penjara oleh Mahkamah Majistret di sini, semalam setelah mengaku bersalah atas tuduhan memiliki sejumlah wang yang diperolehi secara tidak sah.

Yee Soon Kee, 38, dari Taman Dahlia, Jalan Lencong Barat, Kedah didakwa mengikut Seksyen 37 (1) Ordinan Kesalahan-Kesalahan Kecil 1958 (Sarawak).

Mengikut kesalahan ini, tertuduh boleh dikenakan hukuman penjara hingga tiga bulan dan denda sehingga RM500 jika sabit kesalahan.

Menurut keterangan kes, tertuduh didapati telah memiliki wang berjumlah RM10,485.00 di dalam akaunnya yang diperolehi secara tidak sah.

Dia didakwa melakukan kesalahan itu pada jam 3.15 petang, 9 Ogos 2019 di sebuah lot di Taman Loping Jaya, Taman Cahaya di sini.

Di hadapan mahkamah, tertuduh merayu agar hukuman ke atasnya diringankan memandangkan ini adalah kesalahan pertamanya.

Pendakwaan dilakukan Inspektor Mudzilawati Abdul Rahman di hadapan Majistret Randu Rangen.